

REPUBLIKA E KOSOVËS			
KOMUNA GLLOGOC			
GLLOGOC MUNICIPALITY			
Pranuar		10. 01	20_23
Nj. Org.	Numër	Shtetë	Vlera
02-052/01-1703			

1 | Page



REPUBLIKA E KOSOVËS
Komuna e Gllogocit (Drenasit)
Kuvendi Komunal



KOMITETI KONSULTATIV PËR PERSONAT ME AFTËSI TË KUFIZUARA NË
KOMUNËN E DRENASIT

Publikon:

RAPORTIN VJETOR

Për periudhën:

Janar-Dhjetor 2022

Drenas, 2022

PËRMBAJTJA

I PJESA HYRËSE.....	4
Prioritetet përgjatë vitit 2022.....	5
II PJESA TEMATIKE.....	7
Mbledhjet e Realizuara & Aktivitete të rëndësishme.....	7
Mbledhja e parë.....	8
Mbledhja e dytë.....	16
Mbledhja e tretë.....	12
Mbledhja e katërt.....	15
Mbledhja e pestë.....	17
Mbledhja e gjashtë.....	19
III PJESA PËRMBYLLËSE.....	21
Konkluzione & Rekomandime.....	21
Objektivat e arritura & Rezultatet.....	21
Kufizime.....	23
Propozime për ndryshim & Rekomandimet për vitin 2023.....	23
Planet prioritare të Komitetit Konsultativ për PAK për vitin 2023.....	24
Foto nga aktivitetet e Realizuara.....	25

SHKURTESAT

FNV- Fëmijë me nevoja të veçanta

UA- Udhëzim Administrativ

QPS – Qendra për Punë Sociale

ZP – Zyra e Punësimit

KKPAK - Komiteti Konsultativ për Personat me Aftësi të Kufizuara

PAK - Persona me Aftësi të Kufizuara

AK – Aftësi e Kufizuar

OJQ - Organizata Jo Qeveritare

(I)

PJESA HYRËSE**PARATHËNIE**

Komiteti Konsultativ për Personat me Aftësi të Kufizuara në Komunën e Drenasit, publikon këtë raport vjetor, me qëllim që të mbajë të informuar qytetarët e komunës së Drenasit, veçmas komunitetin e Personave me Aftësi të Kufizuara lidhur me punën, aktivitetet e realizuara, dhe mbledhjet e mbajtura gjatë vitit 2022.

Komiteti Konsultativ për Personat me Aftësi të Kufizuara (KKPAK), si organ drejtues i ri institucional, është formuar për herë të parë në komunën e Drenasit në vitin 2019, dhe si i tillë, vepron në harmoni me “Udhëzimin Administrativ (MPL) Nr. 05/2020, për Procedurën e Themelimit, Përbërjen dhe Kompetencat e Komitetit të Përhershme dhe Komiteteve të tjera në Komuna”. Përmes mbledhjeve të realizuara, anëtarët e Komitetit Konsultativ për PAK kanë shqyrtuar dhe diskutuar në hollësi detyrat dhe përgjegjësitë e veta, dhe kanë vënë disa prioritet. Specifikisht, si qëllim prioritar i këtij komiteti është të sigurojë përmirësim të dukshëm në statusin dhe cilësinë e jetës së personave me aftësi të kufizuara, duke nxitur dhe siguruar mundësinë që të gjithë personat me aftësi të kufizuara në territorin e Komunës së Drenasit t’i gëzojnë plotësisht dhe në mënyrë të barabartë të gjitha të drejtat dhe liritë themelore të njeriut, kjo gjithnjë në bashkëpunim të përhershëm me vet këta persona, me institucionet komunale, me OJQ-të që ofrojnë shërbime psiko-sociale, e veçmas me ato OJQ që ofrojnë shërbime me përfshirje të PAK.

Si çdo vit, për t’i arritur objektivat e synuara, Komiteti Konsultativ për PAK me fillim vit ka hartuar planin e punës dhe kalendarin për takime për vitin 2022, në bazë të të cilit dhe ka realizuar aktivitetet.

Sipas rregullativës së Kuvendit Komunal të Drenasit, Komiteti Konsultativ për Personat me Aftësi të Kufizuara, ka mbajtur gjashtë (6) mbledhje të rregullta, por jo vetëm. Përveq mbledhjeve të rregullta, ky komitet ka mbajtur rreth 25 takime të tjera konsultative dhe vizita në terren përmes cilave janë konkretizuar ide dhe specifika në aspektin e përmirësimit të jetës së personave me aftësi të kufizuara- në komunën e Drenasit. Mbledhjet formale, zakonisht ky komitet i ka mbajtur në zyrën II me xhami pranë byfësë në Komunën e Drenasit, tryezat e rrumbullakëta në zyrën e bordit, kurse takimet tjera konsultative i ka zhvilluar në terren dhe sipas rastit. Ftesa për mbledhje u është dërguar anëtarëve dhe të ftuarve të tjerë 7 ditë para mbajtjes së mbledhjes.

Andaj, krahas asaj çfarë është paraparë në planin e punës, ky komitet ka identifikuar një sërë nevojash për ndryshim në të mirën e PAK. Nevoja për këto ndryshime, është identifikuar përmes takimeve me vet PAK dhe familjarë të tyre, me zyrtarë, drejtor të drejtorive komunale, përfaqësues të OJQ-ve, përmes hulumtimeve të realizuara, dhe të tjera aktiviteteve, ku dhe kemi arritur të nxjerrim disa rezultate të cilat më pas janë ngritur në formën e rekomandimeve (propozimeve për ndryshim) dhe janë diskutuar me digaster të ndryshëm. Pas diskutimit, bashkërisht jemi dakorduar që këto rekomandime të shërbejnë si përpjekje për ndryshim në vitet vijuese.

Prioritetet përgjatë vitit 2022

Disa ndër objektivat më të rëndësishme që kanë rrjedhur nga Plani Vjetor i Punës janë:

- ♦ Identifikimi i sfidave të Institucioneve në Komunën e Drenasit, që trajtojnë aspektin e aftësisë së kufizuar, qoftë aspektin mendor, fizik, intelektual apo shqisor afat-gjatë të cilat në ndërveprim me barriera të ndryshme mund të pengojnë pjesëmarrjen e plotë dhe efektive të këtyre personave në shoqëri në baza të barabarta me të tjerët, dhe bashkërisht të hartojmë një plan specifik për të tjetkaluar këto sfida.
 - ♦ Realizimi i aktiviteteve të ndryshme lidhur me ndërgjegjësimin e shoqërisë krahas stigmës dhe paragjytimeve që janë krijuar ndaj PAK.
 - ♦ Realizimi i aktiviteteve të ndryshme për shënimin e datave të veçanta për personat me aftësi të kufizuara.
 - ♦ Mbajtja e takimeve publike me qytetarët me qëllim të marrjes së pikëpamjeve, kërkesave, propozimeve dhe kritikave, në mënyrë që bashkërisht të mund t'i kontribuojmë fushës së AK, mbrenda kompetencave që na lejon UA në harmoni me të cilin veprojmë.
 - ♦ Rritja e burimeve të informacionit për PAK lidhur me adresimin e nevojave të tyre drejtuar KKPAK.
 - ♦ Bashkëpunimi me OJQ-të që përfaqësojnë persona me aftësi të kufizuara, për t'i dëgjuar kërkesat dhe propozimet e tyre, në lidhje me zgjidhjen e çështjeve të caktuara të nivelit komunal të qeverisjes.
 - ♦ Bashkëpunimi dhe shkëmbimi i përvojave me homologë/ anëtarë të Komitetetve Konsultative për PAK nga komunat e tjera, me qëllim të informimit për përvojat pozitive në kuadrin ligjor, në zbatueshmërinë e tij, në organizimin dhe rolin e entiteteve të aftësisë së kufizuar në këto komuna, si dhe me pjesëmarrjen aktive të këtij komuniteti në rrjedhat shoqërore dhe jetën publike.
 - ♦ Ngritja e rekomandimeve kryesisht që kanë të bëjnë me investimet në ndërtimin dhe përmirësimin e infrastrukturës (rregullimin e pjerrinave, trotuareve etj).
- Bashkëpunimi me Drejtorinë për Shëndetësi dhe Mirëqenie Sociale lidhur me ofrimin e shërbimeve shëndetësore dhe me kohë në shtëpi, për PAK.
- ♦ Realizimi i intervistave dhe/apo hulumtimeve në terren, mbi bazën e identifikimit të aspekteve prioritare që kanë të bëjnë me personat me aftësi të kufizuara, dhe ngritja e rekomandimeve praktike mbi bazën e rezultateve.
 - ♦ Hartimi i broshurave mbi ndërgjegjësimin e shkollave, institucioneve komunale, dhe shoqërisë në përgjithësi, mbi të drejtat e personave me aftësi të kufizuara.

- ♦ Identifikimi e numrit të nxënësve me aftësi të kufizuara të përfshirë në aktivitetet, kurset dhe trajnimet në Akadaminë “Flutura”, në Drenas, kjo si rezultat i rekomandimeve të dhëna nga KKPAK, vitin e kaluar.
- ♦ Bashkëpunimi me Qendrën për Punë Sociale për të identifikuar numrin e fëmijëve me AK, familjet e të cilëve kanë parashtruar kërkesa mbi njohjen e të drejtës për pension.
- ♦ Bashkëpunimi me Zyrën e Pensioneve për të identifikuar numrin e personave mbi moshën 18 vjeç të cilët kanë parashtruar kërkesa për të siguruar të drejtën për pension, perkitazi me kategorinë që përcakton plotësimin e kriterëve.
- ♦ Bashkëpunimi me Zyrën e Punësimit për të siguruar të dhëna lidhur me numrin e punëkërkuesve dhe të papunëve të regjistruar në vitin/vitet e fundit në këtë zyrë.

(II)
PJESA TEMATIKE

MBLEDHJET E REALIZUARA & AKTIVITETE TË RËNDËSISHME

Komiteti Konsultativ për Personat me Aftësi të Kufizuara (KKPAK), ka mbajtur gjashtë mbledhje të rregullta, në periudhën Janar - Dhjetor 2022. Të gjitha mbledhjet janë realizuar në kohën e paraparë me Planin e Punës, si dhe sa i përket aktiviteteve ato janë realizuar me kohë dhe rezultatet e arritura kalojnë pritjet e planit të punës. Si çdo vit, burimet e raportit vjetor të aktiviteteve të realizuara edhe për vitin 2022 janë ekstraktet e procesverbaleve të mbledhjeve/takimeve të komitetit. Ky raport vjetor, pas miratimit nga anëtarët e komitetit, do të publikohet në faqen zyrtare elektronike të Komunës së Drenasit.

Mbledhjet në vazhdim paraqesin të dhëna lidhur me:

- Datën, kohën dhe vendin e mbajtjes së mbledhjeve
- Të ftuarit
- Pikat e rendit të ditës
- Konkludimet e nxjerra në secilën mbledhje si dhe
- Rekomandimet

Mbledhja e parë e Komitetit Konsultativ për Personat me Aftësi të Kufizuara

PROCESVERBAL

Me datë: 04.02.2022

Me datën 04.02.2022 (E premte), Komiteti Konsultativ për Personat me Aftësi të Kufizuara, ka mbajtur mbledhjen e parë, të rregulltë, në zyrën e bordit të Komunës së Drenasit.

Në këtë mbledhje të pranishëm ishin të gjithë anëtarët e këtij komiteti:

1. Shemsi Bërbatovci – Kryesues i KKPAK
2. Ariana Isufi – Zëvendës kryesues
3. Arlindë Krasniqi - Anëtare
4. Jehona Abdyli – Anëtare
5. Burim Fazliu – Anëtar

Mbledhja filloi në orën 10:00 dhe procesverbali është mbajtur nga Ariana Isufi.



Pikat e rendit të Ditës ishin:

1. Raporti vjetor i punës së Komitetit Konsultativ për Personat me Aftësi të Kufizuara, për vitin 2021
2. Miratimi i Planit të Punës së Komitetit Konsultativ për PAK, për vitin 2022
3. Koordinimi lidhur me riadresimin e disa rekomandimeve, nga raporti vjetor 2021 tek institucionet përkatëse
4. Të ndryshme

- Bazuar në rendin e ditës, fillimisht kemi diskutuar lidhur me Raportin Vjetor të Punës për vitin 2021, se çfarë është realizuar, sfidat dhe çfarë ka rekomanduar ky raport përmbledhës i punës një vjeçare për vitin e ardhshëm.
- Pastaj për diskutim kemi kaluar tek pika e dytë e rendit të ditës, që ka të bëjë me miratimin e planit të punës për vitin 2022, ku kemi radhitur bashkërisht shumë nga prioritetet me rëndësi.
- Lidhur me pikën e tretë, jemi dakorduar dhe koordinuar që bashkërisht do të marrim iniciativë të riadresojmë disa nga rekomandimet drejtuar drejtorive apo institucioneve përkatëse, por të cilat nuk kanë vepruar së zbatuari këto rekomandime gjatë vitit të kaluar.
- Kurse sa i përket pikës së katërt, përkatësisht tek të ndryshme, kemi diskutuar lidhur me evidentimin e avancimit të fëmijëve me aftësi të kufizuara (aftësi të kufizuara) në shkollat dhe kopshte, pas sistemimit të asistentëve për këta fëmijë në fillim të vitit 2022, si dhe të krahasojmë këtë nivel avancimi para dhe pas, në mënyrë që të vazhdojmë me rekomandime për sistemimin e këtyre asistentëve në të gjitha shkollat nëse është e mundur, brenda një kohe të shkurtër.

Meqenëse nuk kishte ndonjë pikë tjetër për diskutim, me kaq mbledhja e parë e KKPAK përfundoi, duke shpresuar në realizimin e aktiviteteve për mbledhjet dhe takimet e ardhshme. Mbledhja u mbyllë nga procesmbajtësi - Ariana Isufi, në orën 12:00.

Mbledhja e dytë e Komitetit Konsultaiv për Personat me Aftësi të Kufizuara

PROCESVERBAL

Me datë: 06.04.2022

Komiteti Konsultativ për Personat me Aftësi të Kufizuara, me datë: 06.04.2022, ka mbajtur mbledhjen e dytë me radhë. Vend takim për këtë mbledhje kishim zyrën me xhami në komunë.

Mbledhja filloi nga ora 13:00, dhe të pranishëm ishin të gjithë anëtarët e KKPAK-së, përkatësisht:

Ariana Isufi

Burim Fazliu

Arlindë Krasniqi

Jehona Abdyli

Shemsi Bërbatovci.



Pikat e rendit të Ditës ishin:

1. Miratimi i procesverbalit të mbledhjes së datës 04.02.2022
2. Propozim bashkëpunimi me ofruesit e shërbimeve stomatologjike apo dentare, për kontrollat sistematike për PAK

3. Shqyrtimi i mundësive për të realizuar projekt në shkolla, lidhur me ndërgjegjësimin e nxënësve për PAK
4. Planifikimi për takim dhe koordinim të aktiviteteve me asistentët mbështetës në komunën e Drenasit
5. Planifikimi për hartimin e një broshure për nderë të muajit Prill, muajit të ndërgjegjësimit për personat me autizëm.
6. Të ndryshme

Bazuar në rendin e ditës, lidhur me pikën e parë, gjegjësisht miratimin e procesverbalit të mbledhjes së kaluar, jemi dakorduar që gjatë vitit mund të ridizajnojmë planin vjetor të punës, të shtojmë apo edhe të modifikojmë aktivitete, varësisht nga rrethanat.

Sa i përket pikës së dytë të rendit të ditës, Burim Fazliu ka propozuar si pikë bashkëpunimin e KKPAK me stomatologët që operojnë në komunën e Drenasit, në mënyrë që ata të ofrojnë kontrolla sistematike dhe falas për PAK. Kjo pikë apo ide ka gjetur përkrahjen e të gjithë anëtarëve të grupit.

Pikën e tretë, lidhur me shqyrtimin e mundësive për të realizuar projekt në shkolla, për ndërgjegjësimin e nxënësve për PAK, e ka parashtruar si ide, anëtarja Ariana Isufi, ku për të kuptuar më shumë rreth procedurave, në takim kemi ftuar edhe drejtorin e DKA-së z. Gjoka, i cili na është përgjigjur pozitivisht ftesës sonë për takim, dhe ka përkrahur idenë.

Lidhur me pikën e katërt përkatësisht, takimin e planifikuar me asistent mbështetës në komunën e Drenasit, si aktivitet e ka propozuar Arlinda Krasniqi, dhe më pas në diskutim janë involvuar edhe anëtarët e tjerë Shemsiu dhe Jehona, si dhe z. Gjoka, na ka rekomanduar t'i bashkangjitemi grupit të asistentëve mbështetës në aktivitetet e planifikuara me 14 prill, për nderë të muajit të ndërgjegjësimit të personave me autizëm.

Në pikën e pestë, kemi zgjedhur që këtij aktiviteti të planifikuar për organizim në muajin Prill-muajit të ndërgjegjësimit të personave me autizëm t'i bashkohemi me hartimin e një broshure fillimisht, por t'i kontribuojmë këtij procesi edhe në forma të tjera.

Meqenëse nuk kishte pika të tjera për diskutim, në orën 15:00, përfundam mbledhjen.

Mbledhja e tretë e Komitetit Konsultativ për Personat me Aftësi të Kufizuara

PROCESVERBAL

Me datë: 27. 06. 2022

Komiteti Konsultativ për PAK, të hënën, gjegjësisht, me datë: 27.06.2022, mbanë mbledhjen e tretë të rregulltë me radhë, duke filluar nga ora 13:00, në zyrën me xhama. Kjo mbledhje është udhëhequr, nga zv. kryesuesja Ariana Isufi.

Pjesë e mbledhjes ishin katër nga pesë anëtarët e komitetit në fjalë, gjegjësisht:

Ariana Isufi
Shemsi Bërbatovci
Arlinda Krasniqi
Jehona Abdyli

Për të diskutuar bashkë për aktivitetet, të arriturat dhe rezultatet në gjashtë mujorin e parë të këtijë viti, të ftuar kishim edhe Kryesuesin e Kuvendit Komunal, z. Milaim Hajdari.



Pikat e rendit të ditës:

1. Miratimi i procesverbalit të mbledhjes së fundit, të datës: 06.04.2022
2. Realizimi i videove informuese-ndërgjegjëse, lidhur me fuqizimin e personave me aftësi të kufizuara
3. Takime me prindërit e fëmijëve/nxënësve me aftësi të kufizuara, mbi domosdoshmërinë e bashkëpunimit me OJQ, asistentë për FNV dhe mësuesit mbështetës në shkollë
4. Shqyrtimi i mundësive për kërkesat e asistentëve për transferimin e nxënësve me dëmtime të rënda (shumëfishta), nga klasat gjithëpërfshirëse, në Dhomën Burimore në Komoran – (aprovimi nga prindërit)
5. Sigurimi i transportit për fëmijët/nxënësit me aftësi të kufizuara
6. Të ndryshme

Bazuar në rendin e ditës, lidhur me pikën e parë, gjegjësisht miratimin e procesverbalit të mbledhjes së kaluar, unanimisht jemi dakorduar që aktivitetet e planifikuara, vetëm se kanë përfunduar me sukses, përfshirë bashkëpunimin me Ordinancat Stomatologjike për ofrimin e shërbimeve dentare falas për FNV; mbajtjen e ligjeratave ndërgjegjëse në shkollë, lidhur me diskriminimin, paragjykimet dhe etiketimet ndaj fëmijëve me aftësi të kufizuara; takimi me asistentët dhe mësuesit mbështetës në shkollë si dhe publikimi dhe shpërndarja e Broshurës, për nder të muajit Prill-muajit të ndërgjegjësimit për fëmijët me autizëm.

Sa i përket pikës së dytë të rendit të ditës, në mënyrë që t'i kontribuojmë fuqizimit të personave me aftësi të kufizuara, kemi planifikuar që secili anëtar i komitetit tonë, të zgjedhë nga një mesazh me zë dhe ta përquajmë me video, me qëllimin për tu siguruar personave me aftësi të kufizuara, gëzimin apo ushtrimin e të gjitha të drejtave dhe lirive themelore të njeriut njësoj si pjesa tjetër e popullësisë.

Në pikën e tretë, meqë nga takimi me asistentët për FNV në shkollë, kemi nxjerrur përfundime se prindërit nuk i përgjigjen ftesave që i bëhen nga mësuesit, për fëmijët e tyre, atëherë kemi rekomanduar takime me prindërit e këtyre fëmijëve/nxënësve, mbi nevojën e bashkëpunimit me OJQ, asistentë për FNV dhe mësues mbështetës në shkollë, ngase progresi i fëmijës varet nga ky trekëndësh bashkëpunimi.

Lidhur me pikën e katërt, kemi planifikuar që t'a shqyrtojmë nevojën dhe mundësinë e transferimit të nxënësve me dëmtime të rënda (shumëfishta), nga klasat gjithëpërfshirëse, në Dhomën Burimore në Komoran, por paraprakisht të diskutojmë me psikologun komunal dhe ekipën vlerësuese, duke u bazuar në vlerësimin mbi diagnozat si dhe të diskutohet dhe mirret aprovimi nga prindërit.

Në pikën e pestë, kemi shtruar si çështje për diskutim sigurimin e transportit për fëmijët/nxënësit me aftësi të kufizuara, kjo ngase me vite radhazi është një nevojë për këta fëmijë që nuk ju është gjetur zgjidhje. Andaj, ne do t'a ftojme drejtorin e DKA-së për të parë mundësitë, që Shtatori të i gjejë me një zgjidhje të re.

Nga ky takim, z. Milaim Hajdari, ka përgëzuar KKPAK për aktivitetet, dhe rezultatet e arritura, si dhe gjatë diskutimit ka ofruar rekomandime praktike dhe mbështetje të vazhdueshme brenda kompetencave, në mënyrë që bashkarisht t'i kontribuojmë cilësisë së jetës së personave me aftësi të kufizuara.

Meqenëse nuk kishte pika të tjera për diskutim, në orën 15:00, përfunduam mbledhjen.

Mbledhja e katërt e Komitetit Konsultaiv për Personat me Aftësi të Kufizuara

PROCESVERBAL

Me datë: 24. 08. 2022

Komiteti Konsultativ për PAK, të mërkurën, gjegjësisht, me datë: 24.08.2022, mbanë mbledhjen e katërt të rregulltë me radhë, duke filluar nga ora 13:00, në zyrën me xhama, në komunë. Kjo mbledhje është udhëhequr, nga zv. kryesuesja Ariana Isufi.

Pjesë e mbledhjes ishin të gjithë anëtarët e komitetit në fjalë, gjegjësisht:

Ariana Isufi
Shemsi Bërbatovci
Arlinda Krasniqi
Jehona Abdyli
Burim Fazliu

Për të diskutuar bashkë lidhur me çështjet prioritare për këtë komunitet, të ftuar kishim:

1. Lumnije Krapë – Drejtoreshë e Shërbimeve Publike dhe Emergjencave
2. Muhamet Gjoka- Drejtor i Drejtorisë Komunale të Arsimit



Pikat e rendit të ditës:

1. Miratimi i procesverbalit të mbledhjes së fundit, të datës: 27.06.2022
2. Sfidat në qasje infrastrukturore për personat me aftësi të kufizuara
3. Sigurimi i transportit për fëmijët/nxënësit me aftësi të kufizuara
4. Vizita në secilën shkollë nga ekipa vlerësuese komunale
5. Pajisja me materiale didaktike për asistentët e fëmijëve/ nxënësve me aftësi të kufizuara
6. Të ndryshme

Bazuar në rendin e ditës, lidhur me pikën e parë, gjegjësisht miratimin e procesverbalit të mbledhjes së kaluar, unanimisht jemi dakorduar që aktivitetet e planifikuara, vetëm se kanë filluar dhe po vazhdojnë të përfundohen me sukses, përfshirë bashkëpunimin me Ordinancat Stomatologjike për ofrimin e shërbimeve dentare falas për FNV; planifikimi për mbajtjen e ligjeratave ndërgjegjësuere në shkolla, etj.

Sa i përket pikës së dytë të rendit të ditës, e ftuar për të diskutuar më konkretisht lidhur me kontributin e Drejtorisë së Shërbimeve Publike dhe Emergjencave, lidhur me sfidat në qasje infrastrukturore për PAK, kishim drejtoreshën e kësaj drejtorie, znj. Lumnije Krap, megjithëse, të vetëdijshëm se këto përgjegjësi në masë barten tek Drejtoria për Infrastrukturë, znj. Krap, ka pohuar se si drejtori, kanë bërë shenjëzimin e parkingjeve për PAK, dhe vazhdojnë t'i kontribuojnë këtij komuniteti brenda kompetencave.

Në pikën e tretë, kemi shtruar si çështje për diskutim sigurimin e transportit për fëmijët/nxënësit me aftësi të kufizuara, kjo ngase me vite radhazi është një nevojë për këta fëmijë që nuk ju është gjetur zgjidhje. Drejtori i DKA-së, z. Gjoka, ka pohuar se për të gjetur zgjidhje më të mirë, duhet të realizohet projekt i veçantë, në mënyrë që edhe ofertat të jenë tërheqëse për operatorin. Megjithatë, ka mbetur që lidhur me këtë pikë, të diskutohet edhe psikologun Komunal, z. Hazir Elshani.

Lidhur me pikën e katërt, që ekipa vlerësuese të dal në secilën shkollë dhe të bëjë vizitat si dhe të bashkëpunohet me asistentët për fëmijët/nxënësit me aftësi të kufizuara, z. Gjoka, ka premtuar se do të diskutojë me psikologun komunal që të aktivizohen nga shtatori i vitit 2022, në këtë drejtim.

Pika e pestë, ka përmbajtur sigurimin e materialeve didaktike, që vijnë si kërkesa nga asistentët për fëmijët/nxënës me aftësi të kufizuara, për t'a realizuar punën e tyre. Këto materiale, janë speciale dhe të veçanta krahas materialeve që sigurojnë shkollat në përgjithësi, andaj edhe duhet kërkesë e veçantë të drejtohet në DKA, sipas drejtorit z. Gjoka.

Tek të ndryshme, u diskutuan kërkesat e asistentëve për FNV, lidhur me transferimin e këtyre fëmijëve me vështirësi të shumëfishta nga klasat e rregullta në dhomën Burimore në Komoran, por mbetet të vlerësohet nga ekipa vlerësuese nëse këto aftësi janë të nivelit për të bërë transferim, por pa harruar edhe sigurimin e transportit, dhe kushtet tjera të nevojshme.

Mbledhja e pestë e Komitetit Konsultaiv për Personat me Aftësi të Kufizuara

PROCESVERBAL

Me datë: 28. 10. 2022

Komiteti Konsultativ për Personat me Aftësi të Kufizuara– Drenas, mbanë mbledhjen e pestë me radhë, me datë: 28.10.2022, në zyrën II me xhama në Komunë.

Mbledhja është thirrur të mbahet nga ora 09:00, ku për të diskutuar bashkë, të ftuar kishim znj. Zahrie Podrimqaku – koordinatorë e njësisë për të drejtat e njeriut në komunën e Drenasit.

Mbledhja ka filluar në orën 09:15, ku në këtë kohë të pranishëm ishin vetëm dy nga anëtarët e KKPAK- Ariana Isufi dhe Jehona Abdyli, si dhe koordinatorja në fjalë znj. Podrimqaku-Subashi. Takimit tonë, ju janë bashkuar edhe anëtarët tjerë si: Arlinda Krasniqi nga ora 09:45, kurse Burimi dhe Shemsiu fare në fund.

Lidhur me vonesat në takime, është diskutuar për një koordinim më të mirë të anëtarëve.



Pikat e rendit të ditës:

1. Miratimi i procesverbalit të mbledhjes së fundit, të datës: 28.10.2022
2. Bashkëpunimi me koordinatoren e njësisë për të drejtat e njeriut, lidhur me realizimin e aktiviteteve të përbashkëta për shënimin e datave veçanta për PAK.
3. Bashkëpunimi me DKA për krijimin e një databazë për nevojën për trajnime të asistentëve për FNV- në sindikatën për arsim fillor
4. Identifikimi i kërkesave të shoqatës së të verbërve në Drenas
5. Identifikimi i PAK që kanë nevojë për shërbime fizioterapie, dhe ofrimi i këtyre shërbimeve falas nga fizioterapeut vullnetarë
6. Bashkëpunimi me pediatër dhe ofrimi i shërbimeve pediatrike falas për PAK
7. Monitorimi i aktiviteteve të OJQ-ve përfutuese të subvencioneve nga komuna e Drenasit
8. Të ndryshme

- Bazuar në rendin e ditës, lidhur me pikën e parë, gjegjësisht miratimin e procesverbalit të mbledhjes së kaluar, unanimisht jemi dakorduar që çështjet e ngritura janë adresuar me kohë, dhe pritjet të nxirren rezultate për detyrat dhe aktivitetet
- Në pikën e dytë koordinatori e njësisë për të drejtat e njeriut, është informuar për aktivitetet e KKPAAK , si dhe ideja e saj ka qenë që të koordinohemi që data më e afërt që shënohet për PAK të realizohet me një aktivitet të përbashkët në mes të KK dhe KKPAAK. Kjo ide është mirëpritur nga zv. kryesuesja e komitetit në fjalë, dhe ka pohuar lidhur me bashkëpunimin.
- Pika e tretë, rrjedhë nga kërkesa e asistentëve për FNV, të cilët kanë qenë të ftuar në takim nga KKPAAK, andaj dhe ky i fundit këtë kërkesë do ta diskutoj me DKA-në.
- Në pikën e katërt, meqë Forumi i AK, ka ftuar në takim shoqatat që operojnë në Drenas për AK si dhe KKPAAK, atëherë aty shoqata e të verbërve ka ngritur si çështje një sërë nevojash dhe kërkesash të cilat do të identifikohen dhe specifikohen dhe do të adresohen me kohën tek institucionet kompetente.
- Lidhur me pikën e pestë, KKPAAK tashmë ka lidhur bashkëpunim me fizioterapeut me kërkesën për të ju ofruar shërbime falas PAK, kjo vetëm pasi që të identifikohen të tillët që kanë nevojë në të vërtetë.
- Edhe pika e gjashtë, e propozuar nga zv. kryesuesja e KKPAAK Ariana Isufi, ka rekomanduar që të lidhet bashkëpunim dhe me pediatër, për ofrimin e shërbimeve pediatrike falas për fëmijët me AK
- Pika e shtatë, thekson monitorimin e subvencioneve të fituara nga OJQ-të dhe shoqatat për PAK nga Komuna e Drenasit, kjo me qëllim të informimit nga afër për aktivitetet dhe shërbimet që ofrohen në kuadër të këtyre projekteve.

Me diskutimin e pikës së shtatë mbledhja u përmbyllë nga procesmbajtësi, Ariana Isufi, në orën 11:00.

Mbledhja e gjashtë të Komitetit Konsultaiv për Personat me Aftësi të Kufizuara

PROCESVERBAL

Me datë: 07. 12. 2022

Komiteti Konsultativ për Personat me Aftësi të Kufizuara– Drenas, ka realizuar mbledhjen e gjashtë dhe të fundit nga mbledhjet e rregullta për vitin 2022. Kjo mbledhje u mbajtë në javën e parë të muajit dhjetor, gjegjësisht me datë 07.12. 2022, në zyrën II me xhama në Komunë.

Mbledhja është thirrur të mbahet nga ora 09:00, ku të pranishëm ishin anëtarët:

Ariana Isufi

Jehona Abdyli

Shemsi Bërbatovci

Burim Fazliu – ku ky i fundit për shkaqe shëndetësore i është dashur të dal më herët nga mbledhja.

Procesverbali është mbajtur nga Ariana Isufi.



Pikat e rendit të ditës:

1. Miratimi i procesverbalit të mbledhjes së pestë, të datës: 28.10.2022
2. Identifikimi i PAK të regjistruar si të papunë në zyrën e entit për punësim
3. Identifikimi i numrit të të punësuarve me AK në institucionet komunale, KEK dhe kompani me numër të madh të punëtorëve
4. Identifikimi i nxënësve / fëmijëve më aftësi të kufizuara të përfshirë në kurset dhe trajnimet e “Flutura Academy”, për vitin 2022
5. Bashkëpunimi me QPS për të identifikuar numrin e fëmijëve me AK (aftësi të kufizuara) nën moshën 18 vjeç, të cilët kanë aplikuar për pensione në vitin 2022, krahasuar me vitin 2021.
6. Bashkëpunimi me zyrën e pensioneve në Drenas, për të identifikuar numrin e personave mbi 18 vjeç, të cilët kanë aplikuar për pensione në vitin 2022
7. Përgaditja e raportit vjetor për vitin 2022
8. Të ndryshme

- Bazuar në rendin e ditës, sa i përket mbledhjes së fundit dhe të rregulltë për këtë vit, ne kemi përmbledhur 7 pika gjithsej.
- Lidhur me pikën e parë ne si KKPAK jemi ende në realizim të këtyre aktiviteteve, andaj mbeten të shihen detyrat dhe rezultatet e përgjithshme.
- Në pikën e dytë, kemi potencuar se do të angazhohemi në sigurimin e të dhënave më konkrete nga zyra e entit për punësim lidhur me shifra të sakta për PAK të regjistruar si të papunë apo punëkërkues në zyret e tyre.
- Kur i referohemi pikës së tretë për rend dite, ne do të provojmë të takohemi më udhëheqës nga institucione të ndryshme, por përfshirë edhe kompani me numër më të madh të punëtorëve për të identifikuar nëse zbatohet ligji për punësimin e PAK.
- Sa i përket pikës së katërt, në vitin e kaluar i kemi rekomanduar “Flutura Academy” që të përfshijë më shumë fëmijë me AK në kurset dhe trajnimet që realizohen brenda kësaj qendre, ngase nuk kemi parë edhe aq fëmijë të përfshirë.
- Lidhur me pikën e pestë, ne do të bashkëpunojmë edhe me QPS (Qendrën për Punë Sociale) për të siguruar databazën me numrin e kërkesave për pensione nga fëmijët nën moshën 18 vjeç me AK, dhe të krahasohen statistikat me vitet e kaluara.
- Në pikën e gjashtë ne kemi planifikuar të sigurojmë gjithashtu të dhëna nga zyra e pensioneve në Drenas lidhur me kërkesat për pensione nga personat me aftësi të kufizuara mbi moshën 18 vjeç, dhe të krahasohet numri i tyre me vitin e kaluar.
- Lidhur me pikën e shtatë, ne si KKPAK kemi ndarë detyrat dhe përgjegjësitë për të përfunduar detyrat dhe aktivitetet për vitin 2022, dhe kemi planifikuar që të mbledhim të dhënat që i kontribuojnë përgjegjësive dhe rezultateve të KKPAK.

Meqenëse nuk kishte pika të tjera për diskutim, mbledhjen e përfundoi procesmbajtësja Ariana Isufi, në orën 10:30.

(III)

PJESA PËRMBYLLËSE**KONKLUZIONE & REKOMANDIME**

Komiteti duke parë rëndësinë e bashkëpunimit dhe nxitjen e tij në realizimin e objektivave të veta, ka siguruar bashkëpunim institucional për PAK, nëpërmjet shkëmbimit dhe ndarjes së informacionit dhe praktikës më të mirë. Ky raport është një sinjal i qartë se mbi bazën e aktiviteteve tona, kemi hipotetizuar e ngritur objektiva konkrete, kemi aranzhuar takime e vizita në terren me akter të ndryshëm, kemi identifikuar problematika, kemi parë nevojën për ndryshim dhe arritur rezultate konkrete. Andaj, sipas kësaj logjike, kemi arritur në përfundim mbi nevojën e ngritjes së disa rekomandimeve praktike, të cilat i kontribuojnë nevojës për ndryshime.

Objektivat e Arritura & Rezultatet

- ♦ Në aspektin e përgjithshëm kemi arritur që në përpikmëri t'i përmbahemi Udhëzimit Administrativ, në harmoni me të cilin veprojmë lidhur me realizimin e punës dhe aktiviteteve tona. Kjo gjithmonë duke e mbajtur të informuar zyrën e Kuvendit Komunal me procesverbalet e mbledhjeve, raportet tre mujore si dhe në takimet e realizuara me kryesuesin e Kuvendit Komunal.
- ♦ Gjithashtu, objektivë kryesorë ka qenë t'i përmbahemi me përpikmëri Planit të Punës, për vitin 2022, dhe nga aktivitetet e realizuara, rezulton se pothuajse të gjitha janë arritur në kohën e planifikuar, madje janë arritur rezultate edhe përtej pritjeve tona.
- ♦ Realizimi i ligjeratave ndërgjegjësuere në shkolla lidhur me diskriminimin, paragjykimin, stereotipet dhe etiketimet ndaj fëmijëve me aftësi të kufizuara.
- ♦ Bashkëpunimi mes KKPAK dhe Ordinancave Stomatologjike në komunën e Drenasit, lidhur me ofrimin e shërbimeve dentare falas për afro 50 persona me aftësi të kufizuara (kryesisht fëmijë).
- ♦ Bashkëpunimi mes KKPAK dhe Ordinancave Fizioterapeutike, për ofrimin e shërbimeve fizioterapeutike falas për afër 7 fëmijë deri më tani, aktivitet ky i cili ka filluar së fundi dhe do të vazhdojë edhe për vitin 2023.
- ♦ KKPAK ka përgaditur dhe lansuar një video informuese/ndërgjegjësuere, lidhur me fuqizimin e personave me aftësi të kufizuara – ku pjesë e kësaj video ishin edhe anëtar nga HANDIKOS në Drenas dhe Komiteti Konsultativ për mbrojtje të ambientit, shëndetësi dhe mirëqenie sociale.
- ♦ KKPAK për të shënuar 2 Prillin - DITËN NDËRKOMBËTARE TË AUTIZMIT si datë të rëndësishme, ka shtuar fokus të veçantë në hartimin e një broshure, me titull “DUA TË JEHOJË ZËRI IM”, qëllimi i së cilës broshurë është të nxisë që të gjithë personat me autizëm të gëzojnë plotësisht dhe në mënyrë të barabartë të gjitha të drejtat dhe liritë themelore të njeriut si dhe të

nxisë respektin për dinjitetin e tyre. Andaj, kjo broshurë është ndarë me drejtor, mësime, nxënës, si dhe është vazhduar me shpërndarjen e tyre në qytet, si kampanjë vetëdijësuese, për nderë të kësaj dite.

♦ Kemi organizuar takime virtuale me Komitetet Konsultative funksionale për PAK të komunave të disa komunave të tjera, nga ku kemi diskutuar dhe shkëmbyer sfidat e përbashkëta, përvojat dhe arritjet e deritanishme.

♦ Bashkëpunimi me akademinë “Flutura” për të trajtuar nga afër përfshirjen e fëmijëve me aftësi të kufizuara në kurset dhe trajnimet që ofrojnë. Ishte një kërkesë/ rekoamdnim i yni, për përfshirje, andaj mund të theksohet se për dallim nga viti i kaluar, ka një përfshirje të theksueshme të FNV në këtë qëndër, gjegjësisht totali i të gjithë fëmijëve vitin e kaluar ishte diku rreth 300 fëmijë, përderisa për vitin 2022 ky numër ka shkuar në 680, me më shumë se 20 FNV.

♦ Realizimi i takimeve, konsultimeve apo dëgjimeve publike në bashkëpunim me komitetet tjera konsultative në komunën e Drenasit me qëllim të diskutimit, parashtrimit të kërkesave, rekomandimeve dhe kritikave kundrejt detyrave dhe përgjegjësi të secilit komitet konsultativ, përfshirë edhe KKPAK.

♦ Bashkëpunimi me Zyrën e Punësimit - ZP në Drenas, për të identifikuar personat me aftësi të kufizuara (AK) të cilët regjistrohen në këtë zyrë si të papunë dhe punëkërkuar. Përkundër përpjekjeve të KKPAK për të siguruar një databazë nga ZP lidhur me të dhënat e lartpërmendura, ne jemi informuar se për vitin 2021 dhe 2022, nuk është evidentuar asnjë person me AK kjo ngase nuk kanë paraqitur dëshmi mjekësore që dëshmon aftësinë e kufizuar. Si rezultat i kësaj logjike, as HANDIKOS nuk ka arritur të na siguroj një databazë me të dhëna të sakta, përveqëse kemi mësuar se institucionet që kanë punësuar persona me AK janë: Shtëpi e Shëndetit, Komunë, Feronikel, Shkolla, KEK, Polici, Postë, Bankë dhe Kompani e Pastërmit.

♦ Bashkëpunimi me Qendrën për Punë Sociale – QPS, për të identifikuar numrin e fëmijëve me aftësi të kufizuara të përhershme që realizojnë pensione me shumë prej 100 euro. Nga të dhënat që kemi marrur nga ky institucion, kemi identifikuar se në periudhën Janar-Dhjetor 2022, janë evidentuar gjithsej 32 kërkesa, për dallim nga viti i kaluar ku ishin 36 kërkesa.

♦ Bashkëpunimi me Zyrën e Pensioneve, me qëllim për të identifikuar numrin e personave me AK mbi moshën 18 vjeç që realizojnë pensione të kategorive të ndryshme, përfshirë paraplegjik dhe tetraplegjik ku numri tyre varionte në 15 persona, aftësi të kufizuara fizike dhe mendore që ishin gjithsej 95 persona, persona të verbër ishin 6 si dhe shurdhmemec vetëm 3 persona, që nënkupton se për vitin 2022, gjithsej kjo zyrë ka evidentuar 114 PAK.

♦ Realizimi i tryezës së rrumbullakët, me theks të veçantë në fushën e arsimit, me profesionist të fushës, gjegjësisht me mësues mbështetës, asistentë në shkolla për fëmijë me aftësi të kufizuara. Nga tryeza të tilla, duke shkëmbyer ide dhe përvoja, ne kemi aritur që t'i kontribuojmë përmirësimit dhe cilësisë së mësimeve dhe mësimeve për fëmijët me AK.

- ♦ Vizita në shkolla dhe Dhomën Burimore për të parë nga afër punën, sfidat dhe për të identifikuar nevojën për mjete konkretizuese dhe didaktike.
- ♦ Janë publikuar të gjitha aktivitetet në rrjetin social ne facebook, përkatësisht në faqën e KKPAK, për të mbajtur të informuar qytetarët për arritjet, sfidat dhe bashkëpunimin me akter relevant, lidhur me PAK.

Kufizimet

- ♦ Një nga kufizimet e aktiviteteve tona gjatë këtij viti, është se edhe pse kemi identifikuar barrierat me të cilat ballafaqohen personat me aftësi të kufizuara, ne si KKPAK edhe pas intervenimeve të nevojshme nuk kemi hartuar ende një program të veçantë për të na shërbyer për vitin 2023 se si të veprojmë konkretisht.

Propozime për ndryshim & Rekomandimet për vitin 2023

- ♦ Inkurajojmë Drejtorinë e Infrastrukturës në identifikimin e gjitha pikave në trotuare ku nuk ka mundësi për lëvizje të lirë, dhe rekomandojmë rregullimin e trotuareve, pjerrinave në rrugë (qytet), për qasje më të lehtë të PAK.
- ♦ Në kuadër të Drejtorisë për Shëndetësi dhe Mirëqenie Sociale, përkatësisht në kuadër të QKMF-së dhe QMF-ve, rekomandojmë ofrimin e shërbimeve shëndetësore më kohë në zonat rurale për PAK, familjarët e të cilëve parashtrojnë kërkesë paraprakisht me arsyetimin se nuk kanë mundësi t'i bartin ata deri tek institucionet ku ofrohen këto shërbime. Rekomandime të tilla, kryesisht vijnë nga familjarë të personave me AK, drejtuar KKPAK.
- ♦ Inkurajojmë OJQ-të që ofrojnë shërbime sociale, të realizojnë projekte të cilat mund t'i kontribuojnë ndërgjegjësimit të shoqërisë në përgjithësi lidhur me stigmën ndaj PAK, ngase bazuar nga ligjeratat në shkolla dhe realizimit të aktiviteteve (luajtjes së roleve), kemi parë se kjo stigmë nuk është se ka pësuar zbehje, përkundrazi qëndron në nivel shqetësues.
- ♦ Rekomandojmë personat të cilët kanë një dëshmi mjekësore që dëshmon mbi aftësinë e kufizuar të tyre të paraqiten në Zyrën e Punësimit si të tillë, kjo ngase hezitimi për të shfaqur aftësinë e kufizuar i kontribuon në mënyrë jo të drejtpërdrejtë mos luftimit të stigmës kundrejt tyre.

Planet Prioritare të Komitetit Konsultativ për PAK për vitin 2023

Planet prioritare të KKPAK për vitin 2023, pjesërisht përfshijnë rekomandimet e ngritura vitin e kaluar por edhe aktivitetet produktive të filluara në vitin 2022.

Disa prej tyre janë:

- Monitorimi aktiv i implementimit të legjislacionit për PAK
- Sistem arsimor gjithpërfshirës parauniversitar
- Rregullim i infrastrukturës për PAK
- Rritja e numrit të asistentëve dhe mësuesve mbështetës në shkolla
- Luftimi i stigmës kundrejt PAK
- Shërbime shëndetësore cilësore
- Mundësi punësimi për PAK etj.

Ky raport është shqyrtuar dhe miratuar nga anëtarët e Komitetit Konsultativ për PAK

Anëtarët e Komitetit Konsultativ për Personat me Aftësi të Kufizuara:

1. Shemsi Bërbatovci (kryesues)
2. Ariana Isufi (zëvendës kryesues)
3. Arlindë Krasniqi (anëtare)
4. Burim Fazliu (anëtar)
5. Jehona Abdyli (anëtare)



Foto nga aktivitetet - KKPAK DRENAS 2022









